

לא ירד בני עמכם כי אחיו
 מת והוא לבדו נשאר וקראהו
 אסון בדרך אשר תלכו בה
 והורדתם את שיבתי בניגון
 מג^א שאולה: והרעב כבר בארץ:
 ב ויהי כאשר כלו לאכל את-
 השבר אשר הביאו ממצרים
 ויאמר אליהם אביהם שבו
 ג שברו לנו מעט אכל: ויאמר
 אליו יהודה לאמר העד העד
 בנו האיש לאמר לא תראו
 ד פני בלתי אחיכם אתכם: אם-
 ישף משלח את אחינו אתנו
 ה נרדה ונשברה לה אכל: ואם-
 אינף משלח לא נרד כי האיש
 אמר אלינו לא תראו פני
 ו בלתי אחיכם אתכם: ויאמר
 ישראל למה הרעתם לי להגיד
 ז לאיש העוד לכם אח: ויאמרו
 שאול שאל האיש לנו
 ולמולדתנו לאמר העוד
 אביכם חי היש לכם אח ונגד-
 לו על פי הדברים האלה
 ח הידוע נדע כי יאמר הורידו
 את אחיכם: ויאמר יהודה
 אל ישראל אביו שלחה הנער
 אתי ונקומה ונלכה ונחיה ולא
 נמות גם אנחנו גם אתה
 ט גם טפנו: אנכי אערבנו מידי
 תבקשנו אם לא הביאתיו

אליה והצגתיו לפניך וחסאתי
 י לה כל הימים: כי לולא
 התמהמהנו כי עתה שבנו זה
 יא פעמים: ויאמר אלהם ישראל
 אביהם אם כן | אפוא זאת
 עשו קחו מזמרת הארץ
 בכליכם והורידו לאיש מנחה
 מעט צרי ומעט דבש נכאת
 יב ולט בטנים ושקדים: וכסף
 משנה קחו בידכם ואת הכסף
 המושב בפי אמתחתיכם
 תשיבו בידכם אולי משגה
 יג הוא: ואת אחיכם קחו וקומו
 יד שובו אל האיש: ואל שדי יתן ס
 לכם רחמים לפני האיש ושלח
 לכם את אחיכם אחר ואת-
 בנימין ואני כאשר שכלתי
 טו שכלתי: ויקחו האנשים את-
 המנחה הזאת ומשנה כסף
 לקחו בידם ואת בנימן ויקמו
 וירדו מצרים ויעמדו לפני
 טז יוסף: וירא יוסף אתם את-
 בנימין ויאמר לאשר על ביתו
 הבא את האנשים הביתה
 וטבח טבח והכז כי אתי יאכלו
 יז האנשים בצהרים: ויעש
 האיש כאשר אמר יוסף ויבא
 האיש את האנשים ביתה
 יח יוסף: וייראו האנשים כי
 הובאו בית יוסף ויאמרו על-

דבר הכסף השב באמתחתינו
 בתחלה אנחנו מובאים
 להתגלל עלינו ולהתנפל עלינו
 ולקחת אתנו לעבדים ואת-
 ט חמרינו: ויגשו אל האיש
 אשר על בית יוסף וידברו
 כ אליו פתח הבית: ויאמרו
 בי אדני ירד ירדנו בתחלה
 כא לשבר אכל: ויהי כי באנו
 אל המלון ונפתחה את-
 אמתחתינו והנה כסף איש
 בפי אמתחתו כספנו במשקלו
 כב ונשב אתו בידנו: וכסף אחר
 הורדנו בידנו לשבר אכל
 לא ידענו מי שם כספנו
 כג באמתחתינו: ויאמר שלום
 לכם אל תיראו אלהיכם
 ואלהי אביכם נתן לכם מטמון
 באמתחתיכם כספכם בא אלי
 ויוצא אלהם את שמעון:
 כד ויבא האיש את האנשים
 ביתה יוסף ויתן מים
 וירחצו רגליהם ויתן מספוא
 כה לחמריהם: ויכינו את המנחה
 עד בוא יוסף בצהרים כי
 שמעו כי שם יאכלו לחם:
 ט ויבא יוסף הביתה ויביאו לו
 את המנחה אשר בידם
 הביתה וישתחוו לו ארצה:
 כ וישאל להם לשלום ויאמר